

Broj: 105 - 3604/21 DžS
Zenica, 12.03. 2021.godine

Na osnovu člana 72., stav 3., tačka c) Zakona o javnim nabavkama („Službeni glasnik BiH“, broj 39/14), a u skladu sa članom 26. i 27. Statuta Javnog preduzeća «Vodovod i kanalizacija», direktor Javnog preduzeća «Vodovod i kanalizacija» d.o.o. Zenica donosi

O D L U K U o dodjeli okvirnog sporazuma trećerangiranom ponuđaču

I

Okvirni sporazum u postupku nabavke blokovske robe dodjeljuje se trećerangiranom ponuđaču **AERO EXCLUSIVE d.o.o. Sarajevo**, a prema ponudi broj: 501-1080/21 od 25.01.2021. godine, za ponuđenu cijenu u iznosu od 15.504,69 KM bez PDV-a, a nakon što je drugorangirani ponuđač Svjetlost – BH print d.o.o. Sarajevo dana, 03.03.2021. godine dopisom koji je zaprimljen na protokolu ugovornog organa pod brojem: 501-3177/21, obavijestio ugovorni organ da nije u mogućnosti realizovati dodijeljeni okvirni sporazum.

II

Ovom Odlukom stavlja se van snage Odluka o dodjeli okvirnog sporazuma drugorangiranom ponuđaču broj: 105-2971/21 DžS od 26.02.2021. godine.

III

Prijedlog okvirnog sporazuma dostavit će se na potpis izabranom ponuđaču u skladu sa članom 98. Zakona o javnim nabavkama.

Član IV

Za izvršenje ove Odluke zadužuje se Komisija za nabavke, Služba za opšte i kadrovske poslove te Komercijalna i Finansijska služba u preduzeću.

Član V

Ova Odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, shodno članu 71. stav 2. Zakona o javnim nabavkama („Sl. glasnik BiH“ broj 39/14.).

Član VI

Ova Odluka objavit će se na web-stranici <http://www.vikze.ba/>, istovremeno sa upućivanjem ponuđačima koji su učestvovali u postupku javne nabavke.

Obrazloženje

Postupak javne nabavke pokrenut je Odlukom o pokretanju postupka javne nabavke broj: 105-109/21 BS od 07.01.2021.godine. Javna nabavka je provedena putem konkurentskog zahtjeva sa zaključivanjem okvirnog sporazuma na period od 36 mjeseca.

Procijenjena vrijednost javne nabavke bez uračunatog PDV-a je 15.000,00 KM.

Dana 08.01.2021.godine na Portalu javnih nabavki, istovremeno sa objavljivanjem Obavještenja o nabavci broj: 439-7-1-678-3-13/21 objavljena je i tenderska dokumentacija.

Poziv za preuzimanje tenderske dokumentacije broj: 406-109-2/21 BS od 08.01.2021. godine upućen je sljedećim ponuđačima:

1. Plan Plus d.o.o. Zenica
2. Paper Star d.o.o. Zenica
3. Aero Exclusive d.o.o. Sarajevo

Rok za dostavljanje ponuda je bio 26.01.2021. godine do 11:00 sati.

U prethodno navedenom roku, na protokolu JP „Vodovod i kanalizacija“ d.o.o. Zenica zaprimljene su četiri ponude u zatvorenoj koverti, i to:

1. Svjetlost – BH print d.o.o. Sarajevo
2. Plan Plus d.o.o. Zenica
3. AERO – EXCLUSIVE d.o.o. Sarajevo
4. Svjetlostkomerc d.d. Sarajevo

Komisija za nabavku imenovana je Odlukom broj: 105-15359/20 od 25.12.2020.godine.

U postupku, prema Zapisniku o ocjeni ponuda, utvrđeno je da je Komisija za nabavku blagovremeno i pravilno sačinila odgovarajuće zapisnike, u kojima je utvrđeno sljedeće:

- da je ukupan broj pristiglih ponuda 4 (četiri).
- da su blagovremeno zaprimljene 4 (četiri) ponuda.
- da nema neblagovremeno zaprimljenih ponuda.
- ukupno 18 (osamnaest) ponuđača je preuzelo tendersku dokumentaciju sa Portala javnih nabavki.

Komisija za nabavku je dana 09.02.2021. godine direktoru preduzeća dostavila Zapisnik o ocjeni ponuda broj: 501-1776/21 DžS od 09.02.2021. godine sa preporukom o izboru najpovoljnijeg ponuđača za nabavku blokovske robe.

Uvidom u priloženu dokumentaciju konkurentskog zahtjeva broj: 406-109-1/20 BS od 07.01.2021. godine – Nabavka blokovske robe, a tokom preliminarnog pregleda i ocjene prispjelih ponuda, Komisija po članu 66. Zakona o javnim nabavkama ("Sl. glasnik BiH", broj: 39/14), i članu 17. Uputstva za pripremu modela tenderske dokumentacije i ponuda ("Sl. glasnik BiH", broj: 90/14), je našla osnovan razlog da izrazi sumnju da je ponuđena cijena ponude ponuđača Plan Plus d.o.o. Zenica neprirodno niska.

Dana, 28.01.2021. godine dopisom broj: 406-1079-2/21 BS ponuđaču Plan Plus d.o.o. Zenica je dostavljen zahtjev za objašnjenje ponude obzirom da je cijena njegove ponude za više od 50% niža od prosječne cijene preostalih prihvatljivih ponuda.

Dana, 03.02.2021. godine na protokolu ugovornog organa je pod brojem 501-1614/21 zaprimljeno pojašnjenje u kojem je, između ostalog, navedeno da ponuđač posjeduje savremene mašine i opremu što značajno umanjuje troškove proizvodnje. Osim toga, ponuđač je naveo da ima povoljne nabavne cijene kod nabavke materijala zbog dugogodišnje i obimne saradnje sa dobavljačima te da su manipulativni i troškovi prijevoza zbog blizine ugovornog organa svedeni na minimum. Navedeno objašnjenje je prihvaćeno od strane ugovornog organa.

Ponuđačima koji su dostavili formalno – pravno ispravne i tehnički prihvatljive ponude, ugovorni organ je shodno odredbi čl.4. Pravilnika o načinu korištenja e-aukcije zakazao e-aukciju za dan 08.02.2021. godine, u terminu od 09:00 sati. Ponuđači AERO EXCLUSIVE d.o.o. Sarajevo, Plan Plus d.o.o. Zenica i Svjetlost – BH print d.o.o. Sarajevo su dostavili traženi dokaz o preferencijalnom tretman domaćeg.

Ponude ponuđača, prije početka e-aukcije su:

1. Svjetlost – BH print d.o.o. Sarajevo, sa ukupnom cijenom ponude u iznosu od 11.965,10 KM bez PDV-a
2. Plan Plus d.o.o. Zenica, sa ukupnom cijenom ponude u iznosu od 6.104,30 KM bez PDV-a
3. AERO – EXCLUSIVE d.o.o. Sarajevo, sa ukupnom cijenom ponude u iznosu od 15.504,69 KM bez PDV-a
4. Svjetlost komerc d.d. Sarajevo, sa ukupnom cijenom ponude u iznosu od 14.994,07 KM bez PDV-a

E - aukcija je održana u zakazanom terminu.

U e-aukciji ponuđači nisu mijenjali iznose svojih ponuda.

Konačne ponude, nakon završetka postupka e-aukcije su:

1. Plan Plus d.o.o. Zenica, sa ukupnom cijenom ponude u iznosu od 6.104,30 KM bez PDV-a
2. Svjetlost – BH print d.o.o. Sarajevo, sa ukupnom cijenom ponude u iznosu od 11.965,10 KM bez PDV-a
3. AERO – EXCLUSIVE d.o.o. Sarajevo, sa ukupnom cijenom ponude u iznosu od 15.504,69 KM bez PDV-a
4. Svjetlost komerc d.d. Sarajevo, sa ukupnom cijenom ponude u iznosu od 14.994,07 KM bez PDV-a

Polazeći od gore navedenih konstatacija, a shodno odredbama Zakona i opštim aktima ugovornog organa, Komisija je prema utvrđenom kriteriju „najniža cijena“ prihvatljivih ponuda/ponuđača, a uzimajući u obzir preferencijalni tretman domaćeg u iznosu od 30%, ocijenila kako slijedi:

1. Plan Plus d.o.o. Zenica, sa ukupnom cijenom ponude u iznosu od 6.104,30 KM bez PDV-a
2. Svjetlost – BH print d.o.o. Sarajevo, sa ukupnom cijenom ponude u iznosu od 11.965,10 KM bez PDV-a
3. AERO – EXCLUSIVE d.o.o. Sarajevo, sa ukupnom cijenom ponude u iznosu od 15.504,69 KM bez PDV-a
5. Svjetlost komerc d.d. Sarajevo, sa ukupnom cijenom ponude u iznosu od 14.994,07 KM bez PDV-a,

te dala preporuku da se okvirni sporazum na period od 36 mjeseci zaključi sa najpovoljnijim ponuđačem Plan Plus d.o.o. Zenica.

Ugovorni organ je dana, 09.02.2021. godine donio Odluku o izboru najpovoljnijeg ponuđača broj: 105-1778/21 DŽS, koja je dostavljena svim ponuđačima-učesnicima u postupku.

Dana, 26.02.2021. godine na protokolu ugovornog organa pod brojem: 501-2957/21 je zaprimljen dopis ponuđača Plan Plus d.o.o. Zenica u kojem se navodi da ovaj ponuđač usljed nepredviđenih okolnosti nije u mogućnosti realizovati dodijeljeni okvirni sporazum.

Dana 26.02.2021. godine ugovorni organ je donio Odluku o dodjeli okvirnog sporazuma drugorangiranom ponuđaču, broj: 105- 2971/21 DŽS. Međutim, drugorangirani ponuđač Svjetlost-BH print d.o.o. Sarajevo se dana 03.03.2021. godine obratio dopisom u kojem obavještava ugovorni organ da zbog okolnosti izazvanih pandemijom korona virusa nije u mogućnosti da pristupi potpisivanju ugovor.

U predmetnom postupku su prva tri ponuđača sa rang liste dostavila potvrdu Vanjskotrgovinske komore BiH da se na njihovu robu primjenjuje preferencijalni tretman domaćeg (ponuda se umanjuje za preferencijalni faktor 30 %, a u svrhu poređenja ponuda). Ponuđač Svjetlost komerc d.d. Sarajevo nije dostavio potvrdu Vanjskotrgovinske komore BiH. Iz prethodno navedenog razloga je ponuda ponuđača AERO – EXCLUSIVE d.o.o. Sarajevo evidentirana kao trećerangirana.


Budući da je nabavka blokovske robe od izuzetne važnosti za odvijanje redovnog poslovanja te da vrijednost trećerangirane ponude neznatno premašuje procijenjenu vrijednost nabavke, a s obzirom da su prvorangirani i drugorangirani ponuđač odbili i odustali od potpisivanja okvirnog sporazuma, slijedom navedenog, ugovorni organ je postupajući u skladu sa članom 72., stav 3., tačka (c) Zakona o javnim nabavkama ugovor dodijelio trećerangiranom ponuđaču, kao što je i navedeno u članu 1. ove Odluke.

POUKA O PRAVNOM LIJEKU:

Protiv ove Odluke može se izjaviti žalba, najkasnije u roku od 5 (pet) dana od dana prijema Odluke.



Direktor:


Pašalić Emir, dipl.ing građ.

DOSTAVLJENO:

- 1 x Ponuđačima
- 1 x Direktor preduzeća
- 1 x Pom.dir.za ekon. i prav. posl.
- 1 x Pom.dir.za tehn.postl.
- 1 x Pom. dir.za razvoj i invest.
- 1 x Komercijalna služba
- 3 x Članovima Komisije
- 1 x Sekretar Komisije
- 1 x a/a